

周
官
胙
測

天官冢宰第一

周官

孔廣林臆測

周官臆測一

設官分職 周六官典冬官亡無攷五官之屬凡三百四十有九

職員數八萬五千七百有八十人除兼官

鄉老三人卽三公不在算鄉大夫六人六卿致仕者爲之

六卿致仕者或

軍將卿六人師帥中大夫三十人旅帥下大夫百五十人

有采邑或世祿軍官

卒長上士七百五十人兩司馬中士三千人伍長下士萬

五千人府史胥徒六軍共七百有八十人

六鄉上士七百五十人中士

凡萬九千六百四十有四人此不常置

鄉遂官三千人下士萬五千人六遂

上士百五十人中士七百五十人下士三千人鄉長萬五千人

凡鄉遂官三萬八千有五十人皆各就其鄉爲之如後世民爵不命之士

三百人胥師賈師司隸司稽胥肆長各

庶人在官者圉師七百五十有六人

一人此六職及凡以神仕皆無數可綜

圉人二千八百有八人

眠瞭三百人工百三十人賈六十四人狂夫四人馬醫四人府四百三十七人

史九百九十五人胥九百四十二人徒萬四千八百七十八人虞衡無數可綜

之府史胥徒八百二十人內官婦官千二百有九人奄六十人凡千二百六十

凡二萬二千百三十八人內官有九人其祿宮卿視中大夫下大夫視上士中

士視下士其餘女官及奄並視上農內及刑人給役者

官之祿凡食千四百六十三夫之入及刑人給役者

數五隸六百人凡六

十

百二十人及非王官者都司馬舊以為王官非也說見本篇都司馬家司馬祿數如之朝大夫都則都士家士六職凡十七人府史胥徒庶子四百十四人凡四百三十有一人亦無數可綜者凡五十職八萬二千四百六十四人更除九

嬪世婦女御不在算實止二百九十六職其員數公三人卿五人

三孤周官無中大夫六十八人天官四地官四十一春下大夫二百六文故未算

十九人天官十二地官百九十五春上士二百七十三人天官四十六地官二十四夏官三十秋官八官四十八春官

五十三夏官六十中士八百一十二人天官百一十八地官百四十八春七秋官五十九天官百七十九地官三百三十八春官二百凡

二百下士千八百有六人天官百七十九地官三百三十八春官二百七十五夏官五百有一秋官五百一十三凡

三千二百三十六人又無成數可綜者中士八人山虞澤虞各四下士七十二人

山虞十六林衡二十凡八十人通前為三千三百一十有六人即五川衡二十澤虞十六

官而分核之天官三百六十人地官八百五十四人春官五百一

十六人夏官七百七十一人秋官八百一十五人五官員數繁簡各殊以五率之每官得六百六十餘人事與或不是過矣合六官及無數可綜者通率四千七百人無數可綜者八十人十之爲八百人今約增中士七十二人下士六百四十八人通六官三千九百八十人共四千七百人此皆命夫受祿王家者也其它乃耦耕食力

之氓雖任厥職或異之曰士固未得不耕而食也以王制侯國臣

食祿之數推之此王官唯卿加大國卿一等大夫以下如侯國下

士視上農夫中士以上遞增以倍卿五大夫祿

公孤皆有采地故不復列沈彤謂公食四

都孤卿食都中大夫下大夫食縣上士食甸中士食甸下士食邑庶人在官者食井此以采地之數定祿數非也王制云下士與庶人在官者同祿祿足以代其耕是庶人在官者止受一夫百畝之入安得食井下士又安得更食邑乎自下士以上皆遞增以三亦與王制云倍者不合王制雖據侯國之臣然王制正義云周禮天子卿大夫士與諸侯之臣執贊同則祿亦同也此固肥度之辭而有王制爲據視沈氏鑿空立說勝矣沈氏又云未封者所食卽采地可例推制

祿多寡不以封不封而殊其食尤誤夫封者所以崇德報功也自當視未封時
為優未封所食皆受祿實數及受封後乃有地貢皆參之一入于王如沈氏說
是受封轉不如未封時食
祿之多恐非崇報之義 五官三千二百三十六人共食八千一百六

十二夫之入

卿食四百夫中大夫食千有八十八夫下大夫食二千一百五十二夫上士食千有九十二夫中士食千六百二十四夫下士

食千八百有六夫

又無數可綜者共食八十八夫

中士八人食十六夫下士七十二人食七十二夫 通前

為八千二百五十夫以五分之每官約得千六百五十夫之入即

以是率冬官通六官亦不過九千九百夫之入無數可綜者約更

加七百九十二夫合計六官之祿止萬有六百九十二夫之入加

以內官食千四百六十三夫闔人五隸食六百二十夫

闔隸獨受祿者無田故也

與府史胥徒不同

亦止萬二千七百七十五夫之入而已王畿千里提封百

萬九百萬夫之地山陵林麓川澤溝瀆城郭宮室涂巷三分去一

又以田不易一易再易上下相通定受田者三百萬夫十而取一
公田之入計得三十萬夫六官之屬卽盡數食祿亦止二十分之
一耳況卿大夫中有受采者三等之士亦有受地者班祿之數決
不及此何嫌乎設官多而班祿有不足邪

司會中大夫二人 薛平仲云大府下大夫司會以中大夫爲
之屬廣林謂司會與大府聯事非屬也大府僅掌九貢九賦九功
之貳而司會則六典八灋八則亦貳焉權重大府矣蓋大府貨賄
之入財用之頒有關於國家利害故司會職其鈎攷職文云以逆
邦國都鄙官府之治又云周知四國之治以詔王及冢宰廢置職
亞大宰與小宰敵謂是大府屬可乎觀大府云以貨賄之入出會

之而司會云聽其會計益知司會尊於大府也

內小臣奄上士四人史二人徒八人 鄭康成云奄稱士者

異其賢廣林謂奄豎任官衰世亂政也成周未必有是況酒人漿人等職皆奄其下止有奚奴無史徒此獨有二史八徒明非奄矣
奄字蓋衍

寺人王之正內五人內豎倍寺人之數 王之正內王小寢

也夜於焉息寺人內豎給使令侍左右故世子之記云日朝于寢門外問於內豎曰安否何如舊以正內爲后之路寢若然王不就后宮息王躬安否后宮豎寺惡得知之后之寢則內宰云王之北宮者是不稱正內也后宮豎寺序官不見蓋文略

九嬪世婦女御

三職無員數然嬪以九名則九人矣內宰以

陰禮教九嬪以婦職之灋教九御則女御亦九人推之而世婦亦九可知唯夫人無文酒正云后致飲于賓客漿人云夫人致飲于賓客后下明有夫人矣夫人于后猶三公之于王坐論婦道故不列職其數容如三公三與九爲十二則天數也內官三十則地數也禮運云聖人作則必以天地爲本以陰陽爲端是其義矣二十七世婦八十一御妻非周家制也

大宰之職 六曰奪以馭其貧七曰廢以馭其罪八曰誅以馭其過 鄭康成云奪謂臣有大罪沒入家財者廢猶放也

誅責讓也廣林謂奪削其邑廢絀其爵誅戮其身上言賞善目有

五又先重後輕此言紕惡目唯三又先輕後重忠厚之至也春官內史八柄易誅爲殺尤足證誅不可僅訓責讓矣此過與書刑故無小之故同義罪過互有輕重唯所用之不得以過輕于罪爲疑四曰羞服之式 鄭康成云羞飲食之物也未發服義于寶云服車服廣林謂服專據外內六服車之式工事兼焉矣

八曰匪頒之式 鄭司農云匪分也頒謂班賜也廣林謂說文云匪器似竹筐周書曰實元黃于匪然則匪卽篋也篋乃車笭今經典相承借作筐匪字分物必以匪盛故曰匪頒釋文此職未發音而于地官廩人匪頒乃云上音分亦如字下音班蓋因司農訓分而存其音耳

一曰祀貢二曰嬪貢三曰器貢四曰幣貢五曰材貢六曰
貨貢七曰服貢八曰旂貢九曰物貢 祀貢若禹貢云鳳
茅矣嬪當依故書作賓賓貢玉帛皮馬也器貢若魯壺卣鼎幣貢
若絲枲織繡材貢若青之怪石徐之浮磬荆揚之鼈革皆是不主
謂木材也貨貢大龜玉磬琳琅之屬服貢若卉服皮服織皮旂貢
若織文羽毛供旌旂之用者物貢若青州海物惟錯無主名者

三曰師以賢得民四曰儒以道得民 鄭康成云師諸侯師

氏儒諸侯保氏廣林謂書傳略說云大夫士七十致仕退老歸其
鄉里大夫爲父師士爲少師此之師也儒未仕而以道德教人者
古者以賢制爵大夫士有爵故曰以賢得民儒者以先王之道能

儒其身故曰以道得民此師儒卽士冠禮所云鄉大夫鄉先生也
注似誤

小宰之職掌建邦之官刑以治王宮之政令凡宮之糾禁
杜子春讀宮皆爲官鄭康成云官刑在王宮中者之刑廣林謂
子春讀是也大宰八灋七曰官刑以糾邦治大司寇五刑四曰官
刑上能糾職正此謂矣八灋小宰亦掌貳焉別言掌建官刑者重
其事非徒相副貳也王宮之政令糾禁宮正職之小宰治百官府
不止宮中言官則宮中見言宮中則官不見下經列八灋官屬官
職官聯官成官灋官計之目不及官刑知此官刑當之矣下以宮
刑憲禁于王宮亦竝當爲官

六曰以敘聽其情

鄭康成云情爭訟之辭廣林謂情如序其

情而閑其勞之情下達其情唯上聽之體羣臣也同寅協恭和衷哉皋陶謨底可績矣周公立官典不得預啟羣臣之爭

一曰聽政役以比居

鄭司農云政軍政也鄭康成云政賦也

宜從征如孟子交征利云廣林謂讀如易南征吉之征行役也不主發兵如先鄭侵下師田矣如後鄭又侵八則之賦貢矣

四曰聽稱責以傳別

鄭司農云傳別券書也鄭康成云傳別

爲大手書於一札中字別之廣林謂傳朝士所云地傳蓋鄰保也若今借貸居閒人別則朝士云判書是已

一曰廉善二曰廉能

鄭康成云善善其事有辭譽也能政令

行也廣林謂善若今循吏以德言能則幹員矣以才言

治其施舍

鄭康成云施舍不給役者疏云七事不言斂弛以

非大事退在下廣林謂施如施其職之施施卽斂也舍卽弛也鄭君於施舍皆破施爲弛未治至此經退施舍在下者施舍卽在軍旅田役諸事中也斂弛六聯之一何云非大事

施舍說詳後遂人職

宰夫之職

諸臣之復萬民之逆

鄭司農云復請也逆迎

受王命者鄭康成云復之言報也反也反報于王謂于朝廷奏事自下而上曰逆逆謂上書廣林謂復逆皆自下而上之辭諸臣有所奏曰復君陳云嘉謨嘉猷入告爾后是也萬民有所達曰逆殷祝曰士民致于桀曰以薄之居濟民之賤何必君更是也復逆之

別臣民之異耳職文自明

宮正 以時比宮中之官府次舍之衆寡爲之版以待夕
擊柝而比之 時晝時也每日晝則按比宿衛之人爲之名籍
夕又擊柝巡行之有常事矣注以時爲四時與下夕字不相應且
宿衛之嚴無日可懈寧持一時一按比邪

辨外內而時禁 鄭司農云分別外人內人禁其非時出入廣
林謂外內以地言非以男女爲外內士庶子宿衛王宮非一所也
各有部署或外或內不得擅離所謂禁矣如司農說則下經幾其
出入一語不亦贅乎

膳夫 王日一舉 日朔日也日一舉蓋朔食也玉藻日少牢

朔月大牢是其證禮君無故不殺牛詎有日日食大牢者鄭志荅趙商云禮記後人所集據時而言或諸侯同天子或天子同諸侯難以據也鄭君自誤解此職文乃謂是錯

鼎十有二物皆有俎 鄭康成云物牢鼎之實亦九俎廣林謂經云皆有俎則俎數如鼎數臠臠臠固羞豆亦先載之俎乃盛于豆焉庶羞之豆由門入而十二鼎錯諸階前知陪鼎三當亦有陪俎也

卒食以樂徹于造 徹于造備日中餞也爨俎更進造所有事焉疏謂不重進故徹于造失其義

王齊日三舉

疏云齊必變食故加牲體至三大牢朔食加日

食一等則當兩大牢王應電云日三當是則不之譌齊不飲酒不茹葷舉則飲酒廣林謂三舉者朝也日中也夕也凡三殺牲論語所謂饗食也賈氏三大牢之說於經不見雖楚語有祀以會之文然會爲三大牢亦無確證竊疑會備六牲也非三大牢楚語云舉以大牢祀以會卽果爲三大牢亦是祀神之禮耳此職文云日三舉不云舉三牢疏義固不協矣至不茹葷語本蒙莊非先王之灋燕主飲酒食固不主飲酒也大喪荒札皆凶事故不舉祭祀吉禮胡可同例王氏說亦誤甚

仲弟廣森引荀子食飲則重大牢而備珍怪謂重者兩也以證賈疏兩大牢之說廣林謂重當

如字讀重之言貴也此亦如大饗尙立尊而用酒食先黍稷而飯稻粱云爾未可援爲兩大牢之證

王燕食則奉膳贊祭

鄭康成云燕食謂日中與夕食奉膳奉

月令月部一
朝之餘膳所祭者牢肉廣林謂燕食每日常食其牲少牢膳則牲肉也膳夫奉以進若燕禮云羞膳矣祭朝肺脊日中及夕牢肉王不自祭膳夫贊爲之殺於舉也

庖人六禽 鄭司農云鴈鶉鷄雉鳩鵲鄭康成云羔豚犢麋雉鴈廣林以公食大夫及內則參正蓋雉免鶉鷄鴈云

賓客之禽獻 當從古文作禽獸禽乘禽雞雉之屬獸麋鹿野豕之屬庖人主共之各授當受者專據禽獻則偏矣下令禽獻凡用禽獻同

夏行牯鱸膳膏臊 鄭司農云膏臊豕膏杜子春云犬膏廣林謂臊說文字作𩚑云𩚑臭則叔重以爲魚膏鱸爲魚不得復和以

魚膏以四時休廢推之子春說是也叔重引此經作鰓恐誤

內饗 凡掌共羞脩刑臠胖骨鱠 鄭康成讀共爲具廣林

謂此文錯非字誤凡掌共當爲掌共凡

甸師 祭祀共蕭茅 鄭大夫云蕭字或爲萑萑讀爲縮束茅

立之祭前沃酒其上酒滲下去若神飲之故謂之縮鄭康成依杜
子春讀爲蕭廣林謂說文解萑字云禮祭束茅加于裸圭而灌鬯
酒是爲萑象神飲之也據許君與鄭大夫同則故書或本作萑師
儒相傳破字讀之遂改萑爲蕭耳以義釋之茅貴于蕭蕭不得冠
茅上鄭大夫說得之共蕭者委人之職蓋於彼職共疏材中該之
矣

喪事代王受眚哉

鄭康成云案盛者祭祀之主今國遭大喪

若云此黍稷不馨使鬼神不逞于王廣林謂喪事據后世子喪言之受眚哉者王也引咎自責所以格天有喪不得躬其事故甸師代爲之耳周官主崩稱大喪此云喪事非大喪可知

獻人 春獻王鮪

此獻人取王鮪獻之王也寢廟之薦獻人

無事焉注引月令季春薦鮪明其用耳疏以爲獻于廟之寢誤矣

鼈人掌取互物

鄭司農云互物謂有甲蒺胡龜鼈之屬廣林

謂說文云蒺平也釋名云胡互也高誘注淮南子云介甲也象冬閉固皮漫胡也漫蒺音同義亦通用蒺胡閉互也龜鼈之甲翕焉疏未釋故補之

醫師

有疔瘍者

注以疔爲頭瘍瘍爲身傷說文云疔頭瘍

瘍頭創與注異曲禮云頭有創則沐身有瘍則浴是頭創不名瘍矣疑說文轉寫有誤廣林竊以爲疔瘍創三者唯疔獨爲頭創瘍創對文異散文則通今言創以通于瘍古言瘍以通于創故治創者謂之瘍醫左傳亦云荀偃痺疽生瘍于頭

十全爲上

鄭康成云全愈也廣林謂十全非必治之皆愈也

能識其疾可爲與否言必有中卽爲十全故和緩並號良醫

酒正

二曰醫

鄭康成云醫之字從毌從酉省也疏云從毌

省者去羽從酉省者去水廣林謂說文云毌惡姿也醫之性然得酒而使从酉據此則從毌非省從酉省耳然酉古文以爲酒字酉

卽酒也故說文不言省注亦未是

皆使其士奉之

注云士謂酒人漿人奄士廣林謂經云其士

蓋卽本職下士八人也酒漿皆奄服役而已不可致禮故使其士奉之

酒人 共酒而入于酒府

酒人漿人皆無府唯酒正有府

二人故此職及漿人並云入于酒府

籩人 蕡

鄭司農云麻曰蕡廣林謂依說文字當从艸下肥

或从麻旁蕡讀若薇芾甘棠之芾蕡雜香草名讀若三墳之墳今經典相承用作麋麻字釋草云麋泉實此其正字俗多讀墳音誤司烜氏注爲蕡釋文云李一音婦輩反乃正音矣

饋食之籩其實棗栗桃乾榛榛實

疏云乾榛既爲乾梅經

中桃是濕桃既有濕桃乾梅明別有乾桃濕梅以乾桃濕梅添爲七籩桃梅既有乾濕棗亦宜有添前爲八廣林謂朝事加籩皆八此止五物札爛文脫無疑賈氏傳成八籩毋乃太鑿周公立典必不如是晦也況加籩四物重文果如疏說亦並著乾濕之文矣

加籩之實菱芡栗脯菱芡栗脯

鄭司農讀菱芡栗脯脩廣林

謂有司主婦獻尸籩用糗脩糗爲羞籩而脩不見於四籩之實意此經有脫文補脫者誤著栗與當依司農讀爲正然四物重爲八籩何取乎爾疑亦補脫者之誤饋食加籩多皆果實意饋食五物及此菱芡脯脩外尙有果實如內則所列栢棋杏李柿櫨梨之類

未可定耳

其其籩薦羞之實

鄭康成云未食未飲曰薦既食既飲曰羞

廣林謂薦據加籩以上羞則羞籩之實也

醢人

醢醢

釋文醢本又作盞廣林謂盞疑盞之譌

張參五經文字盞醢

並列而盞又譌醢

說文云血醢也从血𦞮聲禮記有盞醢以牛乾脯梁竊醢

酒也𦞮說文云肉汁澤也蓋从月其義从𠂔其聲盞則又兼取聲

義于𦞮从醢者不知何始攷說文醢樂酒也意此醢亦資酒成故

變从醢與然改血爲皿亦誤

茆菹 鄭大夫讀茆爲茅杜子春讀爲卯鄭康成云茆菹葵廣林

謂依說文字當作茆茆古文西詩泮水云思樂泮水薄采其茆魯

侯戾止在泮飲酒莠从艸卯聲故與酒協今本作莠誤耳

惠氏九經古義云

采其莠莠本从艸不从卯汗簡云古文尙書以莠爲糲左傳糲酒說文引作莠莠與莠同廣林謂說文艸部有莠云魯蔡从艸莠聲西部有莠云从西从艸無从艸下莠之字泮水詩作莠蓋自韋昭音萌藻反遂致南學者轉寫傳譌之禍主于今不辨耳莠古文西酉古文酒莠从古文西莠从古文酒莠取其聲莠會其意古文尙書以莠爲糲者未詳莠从酒不从酉之義止見古文西作卯遂以莠爲莠此古文尙書乃後人僞作不可爲據汗簡取之無識甚矣惠氏乃援以爲證殆信古之過也因學紀聞云郭忠恕定古文尙書并此注杜鄭同義則釋文今本乃忠恕所定然則所云古文尙書果可信耶

爲卯當作爲卯經文卯亦當从艸下卯矣釋文以卯爲正音云北

人音柳此字淆互蓋已久也

魚醢

詩六月云魚醢膾鯉轉奕云魚醢鮮魚說者曰變鯉言魚

協韻耳膾必以鯉醢疑亦用焉正名魚者鯉爲魚中之主也

芹菹

鄭康成云芹楚葵廣林謂說文解莛字云菜類蒿周禮有

楚菹解芹字云楚葵徐鍇注云今水芹也楚生田間

即今
芹菜

芹爲水

艸二物也作菹者是楚非芹知者周都岐京楚則有之若芹乃生南國呂覽云菜之美者有雲夢之芹周公簿正必不以難得供也蓋故書本作楚字形殘脫滅去是旁轉寫者直作芹鄭卽以楚葵解之耳

幕人 以畫布巾幕六舞凡王巾皆黼 王昭禹云凡王巾

皆黼則畫布巾亦畫黼矣廣林謂衣裳之章黼絺繡而非繪巾亦宜然喪大記黼鬣畫鬣黼荒畫荒皆黼與畫別文知黼非畫矣云凡云皆謂尊彝之外王巾非一巾異黼同非例上文畫布巾也疏云凡王覆物之巾皆用黼史直翁云凡悅手覆物者皆是得之

宮人 爲其井匱除其不蠲去其惡臭 疏云井匱二者皆所以除其不蠲潔又去其惡臭之物廣林謂井以備火燭給洒滌匱以受畜水言爲言除言去明是三事如疏義經宜云爲之井匱以除不蠲以去惡臭矣

掌舍 設車宮轅門爲壇壝宮棘門爲帷宮設旌門無宮則共人門 掌舍之職司爲宮耳設門非其職也司戈盾云軍旅會同設藩盾司常云會同賓客置旌門則棘門司戈盾主旌門司常主轅門人門無文攷典路云凡會同軍旅以路從虎賁氏云舍則守王閑然則轅門蓋典路主人門蓋虎賁氏主云於此職言之者聯事也

大府 凡式貢之餘財以共玩好之用 萬充宗云以逸欲
導人主尤爲不經廣林謂玩好云者猶洪範云玉食美御用之辭
祭祀賓客軍旅喪紀諸大事外食服器用王所自奉于燕居者耳
非奇珍異物之謂何嫌逸欲況共自式貢餘財亦不至心多意汰
也王者貴爲天子富有天下必束縛之俾不得自遂操之已蹙必
至蕩灋壞紀務歷乃心矣唯示以玩好之用有亦無害而共以餘
財默爲限制斯君亦安焉周卜年七百亦有暴主亦有庸君未聞
奢侈過度耽志寶玩賴周禮維之耳後世不三代若良由臣導其
君非其術也迂儒可與事君也與哉

玉府 王齊則共食玉 鄭司農云王齊當食玉屑鄭康成云

以禦水氣廣林謂西山經云崆山丹水出焉西流注于稷澤其中多白玉是有玉膏其源沸沸湯湯黃帝是食是饗然則食玉蓋玉膏也齊而交神食之以助精氣辟穢惡焉如禦水氣而已豈惟齊爲然

大喪共含玉復衣裳 疏云復衣裳不在司服者司服所掌是尋常衣服玉府所掌王之美物衣服美者亦掌之復用上服故玉府共之廣林謂司服不云乎大喪共其復衣服賈氏何忘之也司服掌六冕服不得云不掌上服此下經云掌燕衣服知上服非玉府掌矣天子復十二人衣服亦十二稱六冕服三弁服玄端服深衣加以燕衣服正十二復原非止用上服也此職所共蓋燕衣服

耳諸侯大夫亦上服燕衣並用唯一命者復止一人乃專用上服矣

內府 凡王及冢宰之好賜予 鄭康成云冢宰待四方賓

客之小泊或有所善亦賜予之廣林謂小泊雖冢宰專平然有賜予亦王之自出不得云冢宰之賜予也冢宰或有所善而賜予亦不得取之內府也及冢宰三字疑劉歆竄入者

司會 以參互攷日成 參以職幣之總職內之入職歲之出參攷之互官有聯事彼此互核之

司書 九正九事 鄭康成云九正謂九賦九貢正稅也九事謂九式變言之者重其職明本而掌之非徒相副貳也釋文云九

正音征注同廣林謂九正依注當讀如字無逸云以庶邦惟正之供以萬民惟正之供此之謂矣必言正者明正賦正貢外不宜更有徵求也至九式爲事聲之轉而譌耳未必如注之云大府九功亦當爲九式則又字相似而誤彼注以九功爲九職亦非

職幣掌式灋以斂官府都鄙與凡用邦財者之幣 鄭康

成云幣謂給公用之餘凡用邦財者謂軍旅廣林謂職內掌賦入職歲掌賦出此職幣則職其總者也云斂官府都鄙幣之入也云凡用邦財者幣之出也祭祀朝覲會同賓客喪荒皆是不得專據軍旅下振掌事者之餘財乃是給公用之餘振之以待小用賜予者注以此幣爲公用之餘誤矣

歲終則會其出 此據小用賜予之出言宜屬上以詔上之小用賜予爲一節如疏云與司會會之則職末云凡邦之會事以式遷贊之贊矣

司裘 王大射則其虎侯熊侯豹侯設其鵠諸侯則其熊侯豹侯卿大夫則其麋侯皆設其鵠 鄭康成云所射正謂之侯者天子中之則能服諸侯諸侯以下中之則得爲諸侯廣林謂說文云侯从人从厂象張布矢在其下厃古文侯蓋古文厃象形小篆从人則兼會意謂人侯伺其鵠以求中之故侯加彳爲候得爲諸侯非命名本義據以釋侯枯矣此經諸侯內而三公以下封于畿內者外而五等之君皆在其中敖君善注儀禮謂畿內無

諸侯則誤王制不云乎外諸侯嗣也內諸侯祿也其說又謂大射儀侯多於此蓋作經有先後故禮制有隆殺亦非也彼經乃外諸侯自與其臣射遠尊得伸此入覲待射于王下天子故侯以二耳或援孟子天子之卿受地視侯大夫受地視伯之文謂卿大夫不宜別于諸侯是又不然卿大夫有受地不受地內諸侯也視外侯否則卿大夫也下外諸侯一等矣

唯王之裘與其皮事不會 王昭禹云不言后后之服無以皮爲之者廣林謂裘以御冬外內同之記云童子不裘不云婦人也或婦人不以皮服爲禮服故諸經傳皆略之與

掌皮 遂以式灋頒皮革于百工 鄭康成云式灋作物所

用多少故事廣林謂式灋不止據所用多少也月令云審五庫之量金鐵皮革筋角齒羽箭幹脂膠丹漆毋或不良毋或作爲淫巧以蕩上心或不良或淫巧皆非式灋矣鄭臧鵬冠楚圍翠被卽所謂不以式灋者

內宰 以陰禮教六宮 鄭康成云六宮謂后廣林謂三夫人也三夫人分掌六宮尊亞王后故不斥言夫人而稱六宮后則尊矣不可言教

以陰禮教九嬪以婦職之灋教九御 鄭康成以上六宮專據后言此九嬪謂三夫人已下不言夫人世婦舉中省文廣林謂此十四字屬讀之九嬪職云掌婦學之灋以教九御然則教九御

者九嬪也內宰特以陰禮教九嬪使以婦職之禮教九御耳教九御非內宰職也疏云先鄭意以九嬪掌婦學之禮使之教九御故特更別教之是先鄭卽以此作一句讀矣

案賈疏既釋先鄭意則教九嬪注首必尙有司農注蓋今

本文

以作二事

杜子春云二事絲枲之事廣林謂二當依故書爲三

三事絲枲縫之事內則云執麻枲治絲繭織紵組紃絲枲之事矣

下縫人職云役女御以縫王及后之衣服縫之事矣

佐后使治外內命婦

鄭司農云外命婦卿大夫之妻王命其

太后命其婦鄭康成云士妻亦爲命婦疏云喪服命夫命婦皆據

大夫不含士者彼據降服不降服爲說故唯據大夫不及士也廣

月令月運一
林謂錫命自王非后所得預古人有言牝雞無晨司農誤矣士妻
亦爲命婦專據王朝三士及公之上士言之喪服命夫命婦對侯
伯之士立文耳不止爲降服不降服也

中春詔后帥外內命婦始蠶于北郊以爲祭服 此周中春
於夏爲季冬去蠶事尙遠云爾者重其事內宰先布告焉故曰詔
實未蠶也疏以爲卯月誤矣觀立文在正歲前可見

內小臣掌王后之命 鄭康成云或言王后或言后通耳廣林
謂大僕掌王之大命小臣掌王之王命皆外命也王或有求爲于
北宮其命則內小臣掌通焉下經云掌王之陰事陰令知不獨掌
后之命矣

九嬪 凡祭祀贊玉齋贊后薦徹豆籩 鄭康成云玉齋王

敦受黍稷器后進之而不徹故書玉爲王杜子春讀爲玉廣林謂
王卽玉也篆文王王相似中畫近上爲王三畫平均爲玉王安石
因注云故書玉爲王遂謂上贊王下贊后誤矣攷禮盥及豆籩皆
主婦設之特性云主婦薦兩豆葵菹蠃醢設兩敦黍稷于俎南是
其明證士品物少故主婦獨設之大夫以上則有贊少牢云主婦
薦自東房韭菹醢醢坐奠于筵前主婦贊者一人執葵菹蠃醢以
授主婦主婦不興遂受陪設于東韭菹在南葵菹在北主婦興入
于房自東房執一金敦黍有蓋坐設于羊俎之南婦贊者執敦稷
以授主婦主婦興受坐設于魚俎南又興受贊者敦黍坐設于稷

南又興受贊者敦稷坐設于黍南敦皆南首主婦興入于房九嬪
贊玉盥贊薦豆籩蓋亦準此王祭祀備品味贊亦多人故外宗亦
云王后以樂羞盥則贊注於玉盥云后進之而不徹疏以爲豆籩
云贊薦徹玉盥不云薦徹明直贊進之而已非也特牲少牢敦黍
主婦進而不徹佐食分以備饗此天子宜亦如之故不云徹至豆
籩之徹特性云命佐食徹尸俎俎出于廟門徹庶羞士之庶羞主
婦不徹后從可知此經當於贊后薦絕讀之徹豆籩別爲一事九
嬪專之說者因大宗伯有攝而薦豆籩徹之文謂后亦宜然不知
后不與祭九嬪亦無事焉故宗伯薦且徹薦攝后徹代九嬪也或
疑但云贊后薦不明薦者何物盥曰羞豆籩曰薦后所設者玉盥

豆籩而已上巳云玉盥此爲豆籩無疑何不明之云

世婦 掌弔臨于卿大夫之喪 鄭康成云王使往廣林謂

后使往王之使弔則大僕掌公卿小臣掌士大夫世婦無與焉

女御 凡祭祀贊世婦大喪掌沐浴后之喪持髮 禮男

子不死於婦人之手大喪沐浴大宗伯職也女御非其司矣大喪下蓋脫亦如之三字蒙上贊世婦也掌沐浴當在后之喪下

女祝掌王后之內祭祀 鄭康成云六宮之中竈門戶廣林謂

中霤及井宮中亦宜祀焉

典絲 則受良功而藏之 鄭康成云良當爲苦其良功者

典婦功受之廣林謂典臬云受苦功此云受良功則絲良臬苦誠

如司農說鄭君破良爲苦誤矣典婦功苦良並受經有明文不得謂典婦功與絲枲二職分受苦良也

屨人掌王及后之服屨爲赤舄黑舄赤纁黃纁青句素屨

鄭康成云凡屨舄各象其裳之色王吉服有九舄有三等赤舄爲上冕服之舄下有白舄黑舄王后吉服六唯祭服有舄玄舄爲上褱衣之舄下有青舄赤舄鞠衣以下皆屨耳絢纁純者同色今雜互言之明舄屨衆多反覆以見之凡舄之飾如纁次赤纁王黑舄飾黃纁王后玄舄飾青句王白舄飾王及后赤舄皆黑飾后青舄白飾凡屨之飾如纁次黃屨白飾白屨黑飾黑屨青飾士爵弁纁屨黑絢纁純尊祭服飾從纁也廣林謂舄二等赤也黑也屨三

等纁也白也黑也與素屨而六袞冕以下皆赤舄后三翟及鞠衣如之大裘冕玄冕黑舄展衣如之爵弁纁屨純衣如之皮弁冠弁白屨錫衣如之玄端黑屨祿衣如之有故則素屨外內服屨備矣

說詳予吉凶服名用篇

鄭君於二舄外增白玄青三舄三屨外增黃屨並無

據依且以王上服之舄爲后之下義尤不協云舄屨各象其裳之色核之於經亦未融洽至其飾則赤舄赤纁黑舄黃纁飾皆別色赤舄赤飾重之取其純也諸侯赤舄其入覲玄冕則黑舄飾以黃故車攻之詩曰赤芾金舄三屨詳士冠禮此青句謂黑舄黑屨也纁屨之爲祭服唯諸侯之大夫及士耳未必爲大夫士以之祭以之助祭特制從纁次也舄如纁次屨如纁次亦以意說耳此職有

素屨下文又有葛屨而士冠禮所云三屨絕不見或有脫文與

地官司徒第二

周官

孔廣林臆測

周官臆測三

乃立地官司徒使帥其屬而掌邦教

司徒以教官名而攷

德行道藝者十數職耳他皆經理田疇區畫置邑蕃息牛牧整齊
貨賄於教無與焉然德行道藝教也爲之井牧爲之鄉合趣耕耨
稽功事察飾行愆慝亦教也德行道藝以教俊秀者耳耨耕鋤作
之毗安知德行安知道藝唯卽比閭族黨任耕事起徒役制地貢
讀教灋諸事中示以親慈作其忠敬無事非教罔民不教教之至
近而教實溥矣王政之目教養判焉施之於民養卽教也先儒謂
養而後教是猶岐而二之未得立地官司徒之旨

鄉大夫每鄉卿一人

此六卿致仕退老其田里則各爲其鄉

大夫與三公入爲公出爲鄉老者異故疏云非六官典兼鄉大夫或云卽六卿兼官誤矣

師氏 保氏 鄭康成云書敘曰周公爲師召公爲保相成王爲左右聖賢兼此官也廣林謂二公所任三公中太師太保也與此師氏保氏別

質人 鄭康成云質平也主平定物買者廣林謂定物買者買師也非質人事質人職云掌成市之貨賄人民牛馬兵器珍異凡賣價者質劑焉質若今中人劑若今契約以堂質劑故以質人名其職

司稽 鄭康成云察留連不時去者廣林謂司主也稽攷也察也

主巡市而攷察其犯禁與不物者注訓爲稽留之稽繹職文無此義

遂人 說文云遂亡也豢从意也術邑中道也若然六遂之遂應作術今經典相承多作遂唯學記術有序猶存鄉術正字鄭彼注轉破從遂詩矣

旅師 旅當爲里聲之誤也遂之有里師猶鄉之有閭師矣

土訓 注云鄭司農云訓讀爲馴謂以遠方土地所生異物告道王也爾雅云訓道也立謂能訓說土地善惡之勢廣林謂訓道也馴順也習也二字異義司農讀訓爲馴不得解仍從訓更引爾雅證之疑注文有錯誤當云立謂爾雅云訓道也謂能訓說土地善

惡之勢以遠方土地所生異物告道王也

迹人 鄭康成云迹之言跡廣林謂說文迹从辵从亦或从足賁無足旁著亦字漢王純碑云存有令跡字如此作蓋隸變也世人多用跡罕用迹故鄭以今文曉之

司稼 鄭康成云種穀曰稼如嫁女以有所生廣林謂說文云禾之秀實爲稼莖節爲禾从禾家聲一曰稼家事也據前說爲諧聲據後說則會意義並得通鄭君創爲此解則字應从嫁省聲義非不切然而鑿矣案司稼掌巡邦野之稼而厠之司祿春人聞非次觀職文云均萬民之食而賜其急平其興與旅師平頒其興積同義似當在旅師職後

大司徒之職掌建邦之土地之圖與其人民之數以佐王安擾邦國以天下土地之圖周知九州之地域廣輪之數周官一經言圖者九職天官司會云掌國之官府郊野縣都之百物財用凡在書契版圖者之貳司書云掌邦中之版土地之圖以周知入出百物地官小司徒云地訟以圖正之遂人云以土地之圖經田野造縣鄙形體之灋土訓云掌道地圖以詔地事井人云若以時取之則物其地圖而授之夏官司險云掌九州之圖以周知其山林川澤之阻而達其道路職方氏云掌天下之圖以掌天下之地辨其邦國都鄙四夷八蠻七閭九貉五戎六狄之人民與其財用九穀六畜之數要周知其利害與此職爲九而此職之

圖又有二云邦之土地之圖王畿千里圖也若漢三輔黃圖司會司書小司徒遂人卅人所云是矣云天下土地之圖四海九州圖也若唐元和郡國圖志土訓司險職方所云是矣大司徒職在經理地域故二圖備焉圖止有二用別各殊司會司書主財賦小司徒主正經界遂人主爲溝洫土訓辨地物卅人主取金錫司險審阨塞職方氏同賈利大司徒則總諸職所掌而握其大凡此之謂地官此之謂安擾邦國也

以土會之灋辨五地之物生

鄭康成云會計也以土計貢

稅之法因別此五者也杜子春讀生爲性廣林謂會當如字讀鄭伯能云書序云九州之志謂之九邱邱聚也言九州所有土地麋

生風氣所宜也正土會之意此說得之生當依子春讀爲性五地之分本乎五行五行各有所偏勝故五地之物因所感而形類有異此之辨正別其賦性不同當因其性而導之故下文云因此五物者民之常而施十有二教焉意主乎民而勸植之物民所資生亦以見剛柔輕重薄厚異齊故連及之下土均之灋乃主制貢而言鄭君讀會爲會計之會以此爲計貢稅失經旨矣

其植物宜膏物

鄭司農云楊柳之屬理致且白如膏鄭康成云膏當爲藥字之誤連茨之實有藥韜廣林謂膏脂膏之膏川澤水氣所蒸其生物有津液今南方多樟柏矣黃文叔以爲桐漆之屬是也

六曰去幾 鄭司農云關市不幾也鄭康成云去其稅耳廣林
謂依先鄭說則與司關所云國凶札則無關門之征猶幾有礙王
氏詳說以爲專據市言亦未的依後鄭說字義復不協少儀云車
不雕幾是之謂與

以鄉三物教萬民而賓興之 六德六行本也六藝末也立
教必該及其賓興三而一有焉可矣文王世子云或以德進或以
事舉或以言揚與人不求備也三物不專於鄉云鄉三物者立教
自鄉始

禮 鄭康成云五禮之義廣林謂義亦多通作儀此注則不作儀
解疏云言義者以吉凶之等各有其義是也本或作儀後人妄改

鄭剛中直以爲知揖遜之威儀禮云禮云揖遜云乎哉

小司徒之職 乃經土地而井牧其田野 鄭司農云春秋

傳所謂井衍沃牧隰臯者也鄭康成云隰臯之地九夫爲牧二牧而當一井今造都鄙授民田有不易有一易有再易通率二而當一是之謂井牧廣林謂異義左氏說山林之地九夫爲度九度而當一井數澤之地九夫爲鳩八鳩而當一井京陵之地九夫爲辨七辨而當一井洹鹵之地九夫爲表六表而當一井疆療之地九夫爲數五數而當一井偃豬之地九夫爲規四規而當一井原防之地九夫爲町三町而當一井隰臯之地九夫爲牧二牧而當一井衍沃之地九夫爲井今周官經有不易一易再易通率二而當

一似矣但下經云九夫爲井四井爲邑四邑爲一甸四甸爲縣四縣爲都是詳井澧何得厠牧其閒井牧云者猶遂師之言經牧牧卽治也注以牧隰皋解此牧未協杜氏注左傳不依異義說而以度鳩等爲經理之義故仲達正義駁異義以申杜義云山林藪澤京陵偃豬本非可食之地不在授民之限雖九倍與之何以充稅且以度鳩等皆爲九夫之名經傳未有此目是蓋因周官止言井言一易再易無此名目故云然耳然周公六典爲王畿立澤西京黃壤沃野固多上地東都厥田中上亦少境塉故授地止於再易而已四方侯國有不可以兩京例者勢必有不能不四而當一至九而當一之地山林藪澤京陵雖爲下則三等然其授之

視上地之數而七之而八之而九之果勤力墾闢未必不可上農
夫食九人也異義之說以解周官誠不可通必謂周無此灋亦不
其然此本出古春秋左氏家是列國固有此制故師承爲之說不
得以他經不見遂謂說無所本也

凡小祭祀奉牛牲

鄭康成云王立冕所祭廣林謂大司徒云

祀五帝奉牛牲羞其肆享先王亦如之則祀五帝享先王外其牛
牲皆大司徒所不奉卽此職所謂凡小祭祀也於五帝先王爲小
耳注據司服祭羣小祀則立冕解此則毳冕希冕所祭孰奉之邪
鄉師之職 以司徒之大旗致衆庶而陳之以旗物辨鄉
邑而治其政令刑禁 鄭康成讀而陳之以旗物爲句黃文叔

讀致衆庶而陳之爲句以旗物屬下讀廣林謂文叔讀是也陳讀軍陳之陳司馬云田之日司馬建旗于後表之中羣吏以旗物鼓鐸錫鏡各帥其民而至質明弊旗誅後至者乃陳車徒卽此以司徒之大旗致衆庶而陳之矣又云辨旗物之用軍吏載旗師都載旂鄉家載物郊野載旐卽此以旗物辨鄉邑矣

鄉大夫之職

五官典自攷已上皆特云某某之職別尊卑也

鄉大夫非攷亦特言之職者重鄉事且別命卿

國中自七尺以及六十野自六尺以及六十有五皆征之

或引漢法五十六而免謂此六十有五當爲五十有五之譌廣林謂異義禮戴記王制云五十不從力政六十不與服戎易孟氏

韓詩說年二十行役三十受兵六十還兵古周禮說國中自七尺以及六十野自六尺以及六十有五皆征之謹案五經說皆不同是無明文所據漢承百王而制二十三而役五十六而免六十五已老而周復征之非用民意鄭駁云周禮所謂皆征之者使爲胥徒給公家之事如今之正衛耳六十而不與服戎胥徒事暇坐息之間多其五歲何云非用民意邪王制所云力政挽引築作之事所謂服戎謂從軍爲士卒也二者皆勞於胥徒故早舍之此駁甚明

貴者 鄭司農云若今宗室及關內侯皆復也廣林謂自命士已上皆爲貴者對下服公事者爲賤也若今秀才亦免役矣服公

事者府史之屬

退而以鄉射之禮五物詢衆庶一曰和二曰容三曰主皮
四曰和容五曰興舞 鄭司農云和閨門之內行也容謂容貌
主皮謂善射杜子春讀和容爲和頌謂能爲樂也舞謂能爲六舞
鄭康成云和載六德容包六行主皮和容興舞則六藝之射與禮
樂與廣林謂經云鄉射之禮五物皆當據射言之和者志正容者
體直中爲主皮和容詩行葦所謂不侮也興舞卽大司樂以弓矢
舞之舞謂執弓挾矢揖讓進退之儀馬季長注論語云一曰和二
曰和容三曰主皮四曰和頌五曰興武舞之爲武周官本有不同
和頌依杜子春讀和容和字衍據彼注云有容儀則此字蓋轉寫

者誤衍耳

州長各掌其州之教治政令之灋 疏云教謂十二教云治

政令之灋者謂十二教之外所施政令皆治之廣林謂此十一字
當屬讀之與黨正云各掌其黨之政令教治族師云各掌其族之
戒令政事文異義同大司徒十二教十二職事十二荒政保息六
本俗六鄉三物鄉八刑皆在其中故統而言之曰教治政令也信
如疏義則政教別而爲二鄭不得無注況鄉大夫云正月之吉受
教灋于司徒退而頒之于其鄉吏使各以教其所治正歲令羣吏
攷灋于司徒以退各憲之于其所治然則州長以下特受司徒之
所頒灋掌奉行之不得別言治政令之灋也

黨正 則屬民而讀邦瀋以糾戒之 鄭剛中謂州長讀教
瀋故有勸有戒黨正讀邦瀋又讀教瀋實以邦瀋爲先故有糾戒
而無勸廣林謂州長黨正族師閭胥四職或言讀瀋或言讀教瀋
或言讀邦瀋一而已矣德行道藝政治禁令皆瀋也納民于善故
曰教瀋頒自王朝故曰邦瀋凡教民糾戒未有不先之以勸勉者
州長黨正立文偶有詳略耳剛中此解亦治州長疏分教與政令
爲二之誤也

閭胥 掌其比釐撻罰之事 故書或言釐撻之罰事杜子

春云當言釐撻罰之事廣林謂釐以酒撻以扑二者皆罰事也云
釐撻罰似三事矣當依故書讀

鼓人 以金錡和鼓 鼓人四金皆用之軍事者也項安世謂金錡用於樂餘皆軍事非也外傳不云乎戰以錡于

以金錡節鼓以金鑢止鼓 詩采芑云鉦人伐鼓外傳云鼓

丁寧說文云錡鉦也韋昭云丁寧鉦也然則鉦錡丁寧蓋一物而別名矣說文又云鉦鑢也鑢小鉦也似鉦又爲鑢之異名以諸說參正錡乃鉦之別名丁寧卽鉦急呼爲鉦緩言爲丁寧猶登來之爲得矣鑢別爲一物似鉦而小故說文云小鉦也說文鉦鑢也當作大鑢也轉寫者誤脫耳

舞師掌教兵舞帥而舞山川之祭祀教帔舞帥而舞社稷之祭祀教羽舞帥而舞四方之祭祀教皇舞帥而舞旱暵

之事 或以大司樂六樂差此四舞謂兵舞爲大夏較舞爲成池
羽舞爲大磬皇舞爲雲門而樂師旄舞爲大濩人舞爲大武廣林
謂大司樂云以樂舞教國子舞雲門大卷大咸大磬大夏大濩大
武樂師云教國子小舞凡舞有較舞有羽舞有皇舞有旄舞有干
舞有人舞較舞已下爲小舞明與雲門大卷已下六舞不同雖較
羽皇旄千人或亦六代之舞不可知卽以當大司樂六樂之舞則
不可也

牛人 以授職人而芻之 鄭康成讀職爲櫛廣林謂職如
字讀主也牧人充人主芻牧之事故曰職人春官肆師職頒于職
人亦如之

載師 以宅田士田賈田任近郊之地 鄭司農云民宅曰

宅宅田者以備益多也士田者士大夫之子得而耕之田也鄭康

成云宅田致仕者之家所受田也士讀爲仕仕者亦受田所謂圭

田也廣林謂宅卽士相見禮所云宅者讀如託於諸侯之託

說詳子儀

禮凡託田者異邦之臣寄於其邦則授之田所以柔遠人也凡士

有有田之士有無田之士士田者有田之士所受田也大夫已上

謂之采邑有民人焉有社稷焉故謂之大夫君士卑但授之田而

已若圭田則在公邑之田任甸地中取之

以官田牛田賞田牧田任遠郊之地 鄭司農云牛田以養

公家之牛牧田牧六畜之田鄭康成云牛田牧田畜牧者之家所

受田也廣林謂牛田牧田任遠郊猶近郊之有賈田也此庶人以
畜牧爲業者畜必有牧故授之田大宰九職四曰藪牧養蕃鳥獸
彼牧卽此二田矣牛別有田者六牲之首最貴且爲物大占地多
也公家之牛及六牲皆於是乎出受此田者共其牲于牛人牧
人諸職以當稅下經云二十而三者也王氏詳說誤以畜牧者之
家爲牛人牧人遂駁注云牧人下士牛人中士三百六十之屬中
士下士多矣何皆無田而獨於牛牧家乎已則未審而以皆注妄
矣如先鄭說則養者公家之物何得有征故後鄭不從仲弟廣森說
爾雅郊外謂之牧牧外謂之野野外謂之林林外謂之坳云周制五十里爲近郊百里爲遠
郊郊外者近郊外也牧野林坳相距各十里坳外十里則遠郊境上矣牧者牛
田坳者牧田詩云駟
駒牧馬在坳之野

閭師 以時徵其賦凡任民任農以耕事貢九穀任圃以
樹事貢草木任工以飭材事貢器物任商以市事貢貨賄
任牧以畜事貢鳥獸任嬪以女事貢布帛任衡以山事貢
其物任虞以澤事貢其物凡無職者出夫布 鄭康成云賦
謂九賦及九貢獨言無職者掌其九賦廣林謂此所徵賦正大宰
任萬民之九職也大宰列其職閭師案職而任之而徵之以時徵
其賦與下貢九穀等總其凡貢亦賦也任民八事分衡於虞又無
臣妾及閒民於九職實居其七蓋九職任民使自生理故有臣妾
聚斂疏材疏材不入稅也至閒民轉移執事不可以貢言故亦不
及凡無職者據此八等之民中或有不任厥職則游惰民矣罰之

使出夫布此與下不畜者祭無牲數條同所以恥不勉閒民云無常職非無職也轉移執事卽其職不得以當此無職者

縣師掌邦國都鄙稍甸郊里之地域而辨其夫家人民田萊之數及其六畜車輦之稽疏云稽計也謂所計之數皆

知之廣林謂稽如簡稽鄉民之稽猶簿籍也夫家人民田萊言數六畜車輦言稽互文耳

均人 均地守均地職注以衡虞爲守農圃爲職或謂二者

並在九職不宜分屬別以險固當地守廣林謂此衡虞謂均其屬禁之守與九職辨其事者不同不得致駁況下云凶札不收地守若司險掌凶荒更當嚴守望何云不收若據任器則古者

自軍興發卒司甲司兵授之甲兵外其守望相助藩塞阻路司捕盜賊械器皆出自民間非由官府發也不令之出何以爲守

師氏 居虎門之左 鄭康成云虎門路寢門也畫虎焉以明勇猛於守宜廣林謂王門虎賁氏守之故曰虎門若漢稱司馬門矣虎門之左門左塾也小學在焉

凡國之貴遊子弟學焉 鄭康成云遊無官司者杜子春云遊當爲猶言雖貴猶學廣林謂遊若今謂上官爲上游之游貴游子弟公卿大夫元士之子弟也

調人 凡和難 異義公羊說復百世之讐古周禮說復讐可盡五世許君從古周禮說廣林謂古周禮說亦非也復讐者及身而

已及身自不得和之其身已死爲之子者卽不得交相讐矣魯桓公爲齊諸兒所殺其子莊公親會小白春秋不譏是其義也疑周官者謂殺人王廩所不宥而和難有官辟仇有令弗辟有誅不罪殺人之賊反嚴弗辟之禁恐聖人不出此詎知和難之濫本謂過而殺傷人者及已抵罪更會赦得免死者皆可弗仇或仁人孝子不忍厥心欲仇之亦不能禁故使辟之遠方不得就而讐殺正聖人申仁人孝子之心省冤冤相結之不已大中至正刑期無刑民協于中之義也

凡殺人而義者不同國令勿讐 鄭康成云謂父母兄弟師長嘗辱焉而殺之者廣林謂父兄師長之讐上和難節已見之矣

此據大衆而言謂其人本爲不軌未犯有司有能殺之者是之謂義朝士云凡盜賊軍鄉邑及家人殺之無罪卽其比也故曰令勿讐必言不同國者關上辟讐言之上據爲人讐者故云辟此據復讐者故云令勿讐兩節義當互參

媒氏 凡娶判妻入子者皆書之 鄭司農云入子謂嫁女鄭康成云入子容媵姪娣不聘之者廣林謂娶判妻入子爲一事卽喪服傳云夫死妻稱子幼無大功之親與之適人者是也子從母而嫁可繼父遂以爲己子則不可書之者所以核民之育異姓子爲後者耳

中春之月令會男女 周官中春皆據周正爲文實夏季冬也

昏禮行于夏之中春而此言會男女者會合也若今言合昏矣昏
有六禮非可一時併五月二陽已生歲將及正宜會合男女筮嫁
龜聘訂昏姻之好而納采之禮行焉同名諸禮相繼以舉至卯月
而親迎成昏非謂此月卽嫁娶也舊說俱未別白故滋後學之疑
奔者不禁若無故而不用令者罰之 鄭剛中云若與今律
文言若之若同謂不禁男女之奔及無故不用令者皆有罰廣林
謂此十四字當屬讀之解勝舊說多矣無故之故有喪及荒札皆
是不用令兼不依二十三十嫁娶之年及六禮不備舊說止據中
春會男女之令未治罰罰父兄之主昏者

司男女之無夫家者而會之

鄭康成云謂男女之無夫家者

廣林謂夫有再娶之文婦無二適之義雖妻穉子幼嫁亦弗禁然決無特司而會之者上經無故不用令有罰其或力有不逮議昏弗成此非敢于不用令者不在罰例媒氏察得其情主爲合其如耦故特言司而會之也此正以足上經不用令之義

禁遷葬者 鄭康成云遷葬謂生時非夫婦死既葬遷之使相從也廣林謂此謂女未廟見而死者也未廟見而死則未成婦據禮當歸葬于女氏之黨既歸葬矣又遷使合葬于男氏之墓則違禮犯令矣故禁之或以遷葬爲改葬是則家人墓大夫之司矣媒氏不得掌其禁

司市 以量度成賈而徵儻 鄭康成云儻賈也廣林謂說

文云債賣也从人賣聲物無定價商賈持價多昂安得速賣莫其賈斯貨無可居可以時賣矣故云徵債與胥師債惡之債義同注一訓賣一訓買誤觀賈師賣債故書賣爲買益知債是賣非買矣凡經中賣債皆當依故書作買債孟子自鬻於秦之鬻卽債假借字亦可爲訓賣之證

凡市僞飾之禁在民者十有二在商者十有二在賈者十有二在工者十有二 在民者十有二犧牲也精麤不中數布帛各一也幅廣狹不中量亦布帛爲二也衣服也飲食也五穀不時也果實未孰也木不中伐也禽獸不中殺也魚鼈不中殺也在工者十有二圭璧璋也金也命服也命車也廟器也戎器也用器

不中度也兵車不中度也姦色也錦文成器也珠玉成器也陶旒
髻墜薛暴也此二十有四者作之工用之民而通工以資之者商
賈也故在商在賈亦十有二布帛各二爲四五穀不時五果實未
孰六木不中伐七禽獸不中殺八魚鼈不中殺九用器不中度十
姦色十一陶旒髻墜薛暴十二其餘工作之民用之而市則不粥
故商賈之禁同此十二矣

司門 幾出入不物者正其貨賄凡財物犯禁者舉之

鄭康成云正讀爲征征稅也廣林謂幾出入不物者禁異服識異
言也據出入之人言正如正名百物之正凡貨賄唯商賈所得資
之以利民用者乃爲正得入焉否則犯禁之財物也在所舉矣舉

如使舉是禮之舉書之也書而罰之布入千廬人門關聯事由門司門舉之由關司關舉之或謂門關交征誤

遂人 辨其老幼廢疾與其施舍者以頒職作事 或謂

他職言施舍必兼可任者而此略焉以頒職作事卽所以任之也廣林謂施舍卽六聯之斂弛施則斂也可任者任以力役舍則弛也老幼廢疾貴者能者服公事者皆舍施舍自是兩事唯鄉師遂師遂大夫三職施舍與可任連文其字當破從弛他職獨言施舍者並當如字讀注悉破字詁之非也或說蓋治其誤

遂師 抱屠 鄭康成云屠者地歷執紼者名也釋文適音的又

音釋廣林謂說文云屠韞何也於此義無所取疑本作歷轉寫爲

止爲石耳歷从秝說文秝字解云稀疏適也稀疏適者行列均平也鄭君此注云適歷義與許君同適讀爲馬不適士之適釋文以的音爲正失之

旅師掌聚野之糶粟屋粟閒粟 鄭康成云糶粟民相助作

一井之中所出九夫之稅粟屋粟民有田不耕所罰三夫之稅粟

閒粟閒民無職事者所出一夫之征粟廣林謂遂人以三等授民

田旅師亦以三等斂民粟糶粟上地不易之田所入粟也屋粟下

地再易一夫受三夫田所入粟也

與戰師所云屋粟名同實異

閒讀爲不出中閒

之閒中地一易居上下之閒是爲閒田

閒田見管子

故粟亦謂之閒粟

此三粟皆公田之入鄭君以下二者爲罰粟未的

土訓掌道地圖以詔地事

鄭志答張逸問毛詩傳山川能

說云兩讀或言說說者說其形勢或言述述者述其故事廣林謂此道地圖以詔地事說其形勢矣誦訓道方志以詔觀事述其故事矣九能之一二職分焉

澤虞

喪紀共其葦蒲之事

鄭康成云葦以闔墳蒲以爲

席廣林謂雜記說諸侯含禮云坐委于殯東南有葦席司几筵云凡喪事設葦席然則葦亦不專爲闔墳也注分別言其用義轉枯矣

場人

凡祭祀賓客共其果蓏享亦如之

鄭康成云享納

牲廣林謂納牲卽祭祀中事不宜別出疑享據薦新言楚語所謂

月享者是